

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO TRGOVINE, TURIZMA I SAOBRAĆAJA**

Broj: 05/1-30-007804-23

Tuzla, 29.06.2023. godine

Na osnovu člana 74. Zakona o državnoj službi u Tuzlanskom kantonu ("Službene novine Tuzlanskog kantona", br. 7/17, 10/17, 10/18, 14/18, 8/21, 10/22 i 14/22) i člana 8. Pravilnika o unutrašnjoj organizaciji Ministarstva trgovine, turizma i saobraćaja Tuzlanskog kantona, broj: 05/1-02-020645/22 od 20.06.2022. godine, Ministar trgovine, turizma i saobraćaja objavljuje

JAVNI OGLAS
za popunu upražnjenog radnog mjesta namještenika u Ministarstvu trgovine,
turizma i saobraćaja Tuzlanskog kantona

- Viši referent za administrativno-tehničke poslove i poslove kancelarijskog poslovanja.....1 izvršilac na neodređeno vrijeme.

Opis poslova upražnjenog radnog mjesta:

- unos i obrada materijala na računaru po prijepisu ili diktatu (tekst, tabele i dr.),
- elektronsko protokolisiranje akata
- preuzimanje pristigle pošte iz pisarnice, unos u odgovarajuće knjige evidencije, dostavljanje ovlaštenom licu na šigniranje, zavođenje u interne dostavne knjige po organizacionim jedinicama, te dostavljanje akata organizacionim jedinicama i zaposlenicima,
- evidencija i otpremanje izlazne pošte,
- poslovi kancelarijskog i arhivskog poslovanja,
- čuvanje pečata i pečatiranje akata,
- popunjavanje koverata i dostavnica,
- vođenje personalne evidencije zaposlenih,
- primanje podnesaka stranaka, izdavanje potvrda o primljenim obrascima, davanje informacija strankama o potrebnoj dokumentaciji za ostvarivanje određenih prava ili izvršavanje obaveza,
- obavljanje i drugih poslova po nalogu šefa Odsjeka.

Za svoj rad odgovoran je šefu Odsjeka.

1. Uslovi za obavljanje poslova upražnjenog radnog mjesta

Pored opštih uslova utvrđenih članom 76. Zakona o državnoj službi u Tuzlanskom kantonu:

- a) da je državljanin Bosne i Hercegovine;
- b) da je stariji od 18 godina;
- c) da je zdravstveno sposoban za obavljanje poslova utvrđenih za to radno mjesto;
- d) da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji;
- e) da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini;
- f) da nije obuhvaćen odredbom člana IX. 1. Ustava Bosne i Hercegovine;

Posebni uslovi za vršenje poslova:

- SSS – IV stepen stručne spreme – gimnazija, upravna, ekonomska ili informatička škola,
- najmanje 10 mjeseci staža u struci ostvarenog nakon završene navedene srednje škole,
- položen stručni ispit za namještenike za rad u organima državne službe,
- poznavanje rada na računaru (MS Windows i Excel).

2. Uz prijavu na javni oglas kandidat prilaže sljedeće ovjerene isprave kojima se dokazuje ispunjavanje opštih i posebnih uslova:

- uvjerenje o državljanstvu (ne starije od 6 mjeseci) ili kopija CIPS-ove lične karte,
- izvod iz matične knjige rođenih (ne stariji od 6 mjeseci),
- svjedočanstvo o završenoj školi,
- uvjerenje o radnom stažu,
- uvjerenje o poznavanju rada na računaru,
- uvjerenje o položenom ispitu za namještenike za rad u organima državne službe,
- uvjerenje organa državne službe da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u BiH,
- izjava kandidata da nije obuhvaćen odredbom člana IX 1. Ustava BiH,
- prijava sa kratkom biografijom, svojeručno potpisana, kontakt telefon i adresa prebivališta.

Svi dokumenti moraju biti u originalu ili ovjerene kopije.

Komisija će razmotriti sve prijave podnesene na javni oglas i utvrditi listu kandidata koji ispunjavaju uslove javnog oglasa, i listu kandidata koji ne ispunjavaju uslove javnog oglasa.

Komisija za provođenje javnog oglasa, nakon utvrđivanja liste kandidata koji ispunjavaju uslove javnog oglasa, obaviti će usmeni intervju sa kandidatima sa liste. O mjestu i terminu održavanja intervjua kandidati će biti blagovremeno obaviješteni.

Izabrani kandidat će biti dužan dostaviti ljekarsko uvjerenje o opštoj zdravstvenoj sposobnosti za obavljanje poslova radnog mjesta (ne starije od tri mjeseca). U slučaju da kandidat ne dostavi ljekarsko uvjerenje nakon prijema, bit će odabran sljedeći kandidat sa liste, koji taj dokument dostavi u ostavljenom roku.

Javni oglas će biti objavljen u dnevnim novinama „Večernji list“ i na web stranici Ministarstva trgovine, turizma i saobraćaja Tuzlanskog kantona.

Svojeručno potpisana prijava sa traženim dokumentima se dostavlja u roku od 15 dana od dana objave javnog oglasa u dnevnim novinama "Večernji list", u zatvorenoj koverti, putem pošte preporučeno ili u pisarnicu Ureda za zajedničke poslove kantonalnih organa Tuzlanskog kantona, na sljedeću adresu:

**Ministarstvo trgovine, turizma i saobraćaja Tuzlanskog kantona,
Fra Grge Martića br. 8, 75000 Tuzla,
sa naznakom „Javni oglas za popunu upražnjenog radnog mjesta namještenika u Ministarstvu
trgovine, turizma i saobraćaja Tuzlanskog kantona“ - NE OTVARAJ**

Nepotpune i neblagovremene prijave na javni oglas neće biti razmatrane.



MINISTAR

Denis Bećirović